

EkuiNAS labur RM79.8 juta dalam sektor penjagaan kesihatan

KUALA LUMPUR - Ekuiti Nasional Bhd. (EkuiNAS) membuat dua pelaburan bernilai RM79.8 juta dalam dua syarikat penyedia perkhidmatan pentadbiran tuntutan perubatan pihak ketiga (TPA) iaitu Kumpulan MediExpress (MediExpress) dan PMCare Sdn. Bhd. (PM-Care).

Pelaburan ini sekali gus me-



ARSHAD

nandakan penglibatan sulung syarikat dalam sektor penjagaan kesihatan.

Ia merangkumi pemerolehan kepentingan sebanyak 60 peratus ekuiti dalam MediExpress yang terdiri daripada Medi-

Express (Malaysia) Sdn. Bhd. dan Health Connect Sdn. Bhd. serta 60 peratus ekuiti dalam PMCare.

Pengerusi EkuiNAS, Raja Tan Sri Arshad Raja Tun Uda berkata, sektor penjagaan kesihatan merupakan salah satu daripada enam sektor sasaran EkuiNAS yang dikenal pasti untuk pelaburan.

"Pasaran TPA membentuk subsektor yang pantas berkembang dengan saiz dianggarkan bernilai RM100 juta serta dijangka mencatatkan pertumbuhan 10 peratus setahun untuk mencecah RM156 juta menje-

lang 2019.

"Secara bersama, kedua-dua syarikat akan menyediakan landasan bagi EkuiNAS untuk mewujudkan sebuah penyedia perkhidmatan TPA yang utama di Malaysia dan peringkat serantau," katanya dalam satu kenyataan akhbar di sini baru-baru ini.

TPA bertindak sebagai penghubung antara pengguna, pembiaya perubatan dan penyedia perkhidmatan kesihatan den-

gan memanfaatkan pertumbuhan pasaran penjagaan kesihatan serta insurans kesihatan.

MediExpress merupakan sebuah Organisasi Penjagaan Terurus (MCO) yang mengendalikan TPA untuk syarikat insurans serta segmen perusahaan kecil dan sederhana (PKS), manakala PMCare adalah penyedia perkhidmatan TPA milik Bumiputera yang memberi tumpuan kepada segmen pelanggan korporat.